



Comhairle an
Aontais Eorpaigh

An Bhruiséil, 6 Nollaig 2022
(OR. en)

Comhad Idirinstitiúideach:
2022/0359(NLE)

14636/22
ADD 1

UD 233
COASI 208
POLCOM 167
ASIE 97

GNÍOMHARTHA REACHTACHA AGUS IONSTRAIMÍ EILE

Ábhar: DRÉACHTCHINNEADH ÓN gCOISTE UM CHUSTAM DEN CHOMHAONTÚ SAORTHRADÁLA IDIR AN TAONTAS EORPACH AGUS POBLACHT SHINGEAPÓR lena modhnaítear eilimintí áirithe i bPrótacal 1 a bhaineann leis an sainmhíniú ar an gcoincheap ‘táirgí tionscnaimh’ agus lena modhnaítear modhanna comhair riaracháin agus na hlarscríbhinní a ghabhann leis

DRÉACHT

CINNEADH UIMH. 2022/01

**ÓN gCOISTE UM CHUSTAM DEN CHOMHAONTÚ SAORTHRADÁLA
IDIR AN tAONTAS EORPACH AGUS POBLACHT SHINGEAPÓR**

an ...

lena modhnaítear eilimintí áirithe i bPrótacal 1 a bhaineann leis an sainmhíniú ar an gcoincheap ‘táirgí tionscnaimh’ agus lena modhnaítear modhanna comhair riaracháin agus na hIarscríbhinní a ghabhann leis

TÁ AN COISTE UM CHUSTAM,

Ag féachaint don Chomhaontú Saorthradála idir an tAontas Eorpach agus Poblacht Shingepór (dá ngairtear ‘an Comhaontú’ anseo feasta), agus go háirithe Airteagal 34 de Phrótacal 1 agus Airteagal 16.2 den Chomhaontú,

De bharr an mhéid seo a leanas:

- (1) Le hAirteagal 34 (Leasuithe ar an bPrótacal seo) de Phrótacal 1 a ghabhann leis an gComhaontú, déantar foráil go bhféadfaidh na Páirtithe, trí chinneadh ón gCoiste um Chustam arna bhunú de bhun Airteagal 16.2 (Coistí Speisialaithe) den Chomhaontú, forálacha Phrótacal 1 a ghabhann leis an gComhaontú a leasú.
- (2) Tugadh isteach leasuithe an 1 Eanáir 2012, an 1 Eanáir 2017 agus an 1 Eanáir 2022 i ndáil leis an ainmníocht atá faoi rialú an Choinbhinsiúin ar an gCóras Comhchuibhithe um Thuairisciú agus um Chódú Tráchtearraí ('CC'). Chomhaontaigh na Páirtithe Prótacal 1 a thabhairt cothrom le dáta chun an leagan is déanaí CC a léiriú.
- (3) Chomhaontaigh na Páirtithe raon feidhme na gcútaí a leagtar amach in Iarscríbhinn B(a) a ghabhann le Prótacal 1 a mhodhnú maidir le feoil lóin stánaithe, millíní éisc agus millíní cudail.
- (4) Leagtar síos le hAirteagal 17 (Coinníollacha maidir le Dearbhú Tionscnaimh a tharraingt suas) de Phrótacal 1 go bhféadfaidh onnmhaiseoir ar onnmhaiseoir ceadaithe é, *inter alia*, dearbhú tionscnaimh a tharraingt suas san Aontas, agus go bhféadfaidh, onnmhaiseoir ceadaithe, *inter alia*, déanamh amhlaidh i Singeapór. Chun foráil a dhéanamh maidir le cóir chomhionann idir oibreoirí eacnamaíocha sa dá Pháirtí, ba cheart Prótacal 1 a leasú ionas go bhféadfaidh gach Páirtí a chinneadh, i gcomhréir lena ndlíthe agus rialacháin féin, cén t-onnmhaiseoir a fhéadfaidh dearbhú tionscnaimh a tharraingt suas. Chun na críche sin, ba ghá sainmhíniú ar 'onnmhaiseoir' dá bhrí sin.

- (5) I bhfianaise an tsainmhínithe nua ar ‘onnmhaireoir’, is gá an téarma ‘coinsíneoir’ a chur in ionad an téarma ‘onnmhaireoir’ sa sainmhíniú ar ‘choinsíneacht’ i bpointe (d) d’Airteagal 1(1), Airteagal 13 (Neamhathrú) agus in Airteagal 14 (Taispeántais) de Phrótacal 1.
- (6) Déantar foráil le mír 5 d’Airteagal 17 (Coinníollacha maidir le Dearbhú Tionscnaimh a Tharraingt Suas) go mbeidh síniú bunaidh an onnmhaireora lámhscríofa ar an dearbhú tionscnaimh. Chomhaontaigh na Páirtithe an ceanglas sin a tharscaoileadh chun trádáil a éascú agus chun an t-ualach riaracháin a bhaineann le tairbhe a bhaint as fabhair tharaife an Chomhaontaithe a laghdú.
- (7) Sa sainmhíniú ar ‘phraghas díreach ón monarcha’ i bpointe (f) d’Airteagal 1(1), is gá a shoiléiriú an chaoi ar cheart an téarma ‘monaróir’ a thuiscint nuair a ligtear an t-oibriú deiridh nó an phróiseáil deiridh amach ar fochonradh.
- (8) Ós rud é go bhfuil an dá Pháirtí le córas onnmhaireoirí cláraithe le cur i bhfeidhm, ba cheart an doiciméad maidir le tionscnamh a tharraingítear suas sna Páirtithe a athainmniú mar ‘ráiteas maidir le tionscnamh’ seachas ‘dearbhu tionscnaimh’.
- (9) Mar bheart idirthréimhseach, ba cheart foráil a dhéanamh, ar feadh tréimhse 3 mhí dar tús dáta theacht i bhfeidhm an Chinnidh seo, go nglacfaidh Singeapór le dearbhuithe tionscnaimh a tharraingítear suas i gcomhréir le hAirteagal 17 (Coinníollacha maidir le Dearbhú Tionscnaimh a Tharraingt Suas) agus le hAirteagal 18 (Onnmhaireoir Ceadaithe) de Phrótacal 1 a ghabhann leis an gComhaontú atá i bhfeidhm roimh dháta theacht i bhfeidhm an Chinnidh seo.

- (10) Dá bhrí sin, ba cheart Prótacal 1 a ghabhann leis an gComhaontú mar aon le roinnt Iarscríbhinní a ghabhann leis a mhodhnú,

TAR ÉIS AN CINNEADH SEO A GHLACADH:

Airteagal 1

Leasaítear Prótacal 1 a ghabhann leis an gComhaontú mar a leanas:

(1) cuirtear an méid seo a leanas in ionad chlár Phrótacal 1:

‘CLÁR

ROINN 1

FORÁLACHA GINEARÁLTA

AIRTEAGAL 1 Sainmhínithe

ROINN 2

SAINMHÍNIÚ AN CHOINCHEAPA ‘TÁIRGÍ TIONSCNAIMH’

AIRTEAGAL 2 Ceanglais ghinearálta

AIRTEAGAL 3 Carnadh Tionscnaimh

AIRTEAGAL 4 Táirgí a Fuarthas go hIomlán

AIRTEAGAL 5 Táirge Leoroibrithe nó Leorphróiseáilte

- AIRTEAGAL 6 Oibriú nó Próiseáil Neamhleor
- AIRTEAGAL 7 Aonad Cáilíochta
- AIRTEAGAL 8 Gabhálais, Páirteanna Spártha agus Uirlisí
- AIRTEAGAL 9 Tacair
- AIRTEAGAL 10 Eilimintí Neodracha
- AIRTEAGAL 11 Deighilt Chuntasaíochta
- ROINN 3
- CEANGLAIS CHRÍCHE
- AIRTEAGAL 12 Prionsabal an Chríochachais
- AIRTEAGAL 13 Neamhathrú
- AIRTEAGAL 14 Taispeántais
- ROINN 4
- AISÍOCAÍOCHT NÓ DÍOLÚINE
- AIRTEAGAL 15 Toirmeasc ar Aisiocaíocht Dleachta Custaim, nó ar Dhíolúine uathu

ROINN 5

RÁITEAS MAIDIR LE TIONSCNAMH

- AIRTEAGAL 16 Ceanglais Ghinearálta
- AIRTEAGAL 17 Coinníollacha le haghaidh an Ráitis Maidir Le Tionscnamh a Tharraingt Suas
- AIRTEAGAL 19 Bailíocht an Ráitis Maidir Le Tionscnamh
- AIRTEAGAL 20 Tíolacadh an Ráitis Maidir Le Tionscnamh
- AIRTEAGAL 21 Allmhairiú i dTráthchodanna
- AIRTEAGAL 22 Díolúintí ón Ráiteas Maidir Le Tionscnamh
- AIRTEAGAL 23 Doiciméid Tacaíochta
- AIRTEAGAL 24 Ráiteas Maidir le Tionscnamh agus Doiciméid Tacaíochta a Chaomhnú
- AIRTEAGAL 25 Neamhréireachtaí agus Earráidí Foirmiúla
- AIRTEAGAL 26 Méideanna arna Sloinneadh in Euro

ROINN 6

SOCRUITHE MAIDIR LE COMHAR RIARACHÁIN

AIRTEAGAL 27 Comhar idir na hÚdaráis Inniúla

AIRTEAGAL 28 Fíorú na Ráiteas Maidir Le Tionscnamh

AIRTEAGAL 29 Fiosrúcháin Riaracháin

AIRTEAGAL 30 Díospóidí a Réiteach

AIRTEAGAL 31 Pionóis

ROINN 7

CEUTA AGUS MELILLA

AIRTEAGAL 32 An Prótacal Seo a Chur i bhFeidhm

AIRTEAGAL 33 Coinníollacha Speisialta

ROINN 8

FORÁLACHA CRÍOCHNAITHEACHA

AIRTEAGAL 34 Leasuithe ar an bPrótacal seo

AIRTEAGAL 35 Forálacha Idirthréimhseacha maidir le hEarraí Faoi Bhealach nó i Stóráil

Liosta na bhFoscúbhinní

IARSCRÍBHINN A: RÉAMHFHORÁLACHA A GHABHANN LEIS AN LIOSTA IN IARSCRÍBHINN B

IARSCRÍBHINN B: LIOSTA DEN OIBRIÚ NÓ DEN PHRÓISEÁIL IS GÁ A DHÉANAMH AR ÁBHAIR NEAMHTHIONSCNAIMH CHUN GO bhFÉADFAR STÁDAS TIONSCNAIMH A THABHAIRT DON TÁIRGE MONARAITHE

IARSCRÍBHINN B (a): AGUISÍN GHABHANN LE hIARSCRÍBHINN B

IARSCRÍBHINN C: ÁBHAIR A EISIATAR Ó CHARNADH FAOI MHÍR 2 D' AIRTEAGAL 3

IARSCRÍBHINN D: TÁIRGÍ DÁ dTAGRAÍTEAR I MÍR 9 D' AIRTEAGAL 3 A MEASFAR INA LEITH GUR ÁBHAIR DE THIONSCNAMH PÁIRTÍ IAD ÁBHAIR DE THIONSCNAMH THÍR ASEAN

IARSCRÍBHINN E: TÉACS AN RÁITIS MAIDIR LE TIONSCNAMH

Dearbhuithe Comhpháirteacha

DEARBHÚ COMHPHÁIRTEACH MAIDIR LE PRIONSACHT ANDÓRA

DEARBHÚ COMHPHÁIRTEACH MAIDIR LE POBLACHT SAN MAIRÍNE

DEARBHÚ COMHPHÁIRTEACH MAIDIR LEIS NA RIALACHA TIONSCNAIMH I bPRÓTACAL 1 A ATHBHREITHNIÚ;

(2) Cuirtear an méid seo a leanas in ionad Airteagal 1:

‘AIRTEAGAL 1

Sainmhínte

1. Chun críocha an Phrótacail seo:

- (a) ciallaíonn ‘tír ASEAN’ ballstát de Chomhlachas Náisiúin na hÁise Thoir Theas nach Páirtí é sa Chomhaontú seo;
- (b) ciallaíonn ‘caibidlí’ agus ‘ceannteidil’ agus ‘fo-cheannteidil’ na caibidlí, na ceannteidil (cóid ceithre dhigit) agus na fo-cheannteidil (cóid sé dhigit) a úsáidtear san ainmníocht arb í an Córas Comhchuibhithe um Thuairisciú agus um Chódú Tráchtearraí, dá ngairtear an ‘Córas Comhchuibhithe’ nó ‘CC’ sa Phrótacal seo;
- (c) tagraíonn ‘aicmithe’ d’aicmiú táirge nó ábhair faoi chaibidil, ceannteideal nó fo-cheannteideal áirithe den Chóras Comhchuibhithe;
- (d) ciallaíonn ‘coinsíneacht’ táirgí a sheoltar go comhuaineach ó choinsíneoir amháin chuig coinsíní amháin nó atá cumhdaithe le haon doiciméad iompair amháin lena gcumhdaítear seoladh na dtáirgí sin ón gcoinsíneoir chuig an gcoinsíní nó, in éagmais doiciméad den sórt sin, le sonrasc amháin;

- (e) ciallaíonn ‘luach custaim’ an luach arna chinneadh i gcomhréir le Comhaontú maidir le Luacháil Custaim;
- (f) ciallaíonn ‘praghas díreach ón monarcha’ an praghas a íoctar ar an táirge díreach ón monarcha leis an monaróir arb ina ghnóthas a dhéantar an t-oibriú deireanach nó an phróiseáil dheireanach ar an táirge, ar an gcoinníoll go gcuimsítear luach na n-ábhar uile a úsáideadh sa phraghas sin mar aon le gach costas eile a bhaineann lena mhonarú, lúide aon cháin inmheánach a aisíoctar, nó a d’fhéadfaí a aisíoc, nuair a onnmhairítear an táirge sin a fuarthas.

I gcás nach léiriú é an praghas a íoctar iarbhír ar na costais uile a bhaineann le monarú an táirge a thabhaítear iarbhír san Aontas nó i Singeapór, ciallaíonn an praghas díreach ón monarcha suim na gcostas sin go léir, lúide aon cháin inmheánach a aisíoctar, nó a d’fhéadfaí a aisíoc, nuair a onnmhairítear an táirge sin a fuarthas;

I gcás ina ligtear an t-oibriú deiridh nó an phróiseáil deiridh a amach ar fochonradh chuig monaróir, d’fhéadfadh an téarma ‘monaróir’ tagairt don fhiontar a bhfuil an fochonraitheoir ar fostú aige.

- (g) ciallaíonn ‘onnmhaireoir’ duine, atá lonnaithe i bPáirtí, a onnmhairíonn nó a tháirgeann an táirge tionscnaimh agus a fhéadfaidh an ráiteas maidir le tionscnamh a tharraingt suas, i gcomhréir leis na ceanglais i ndlíthe agus rialacháin an Pháirtí sin;
- (h) ciallaíonn ‘ábhair idirmhalartacha’ ábhair atá den chineál céanna agus den cháilíocht tráchtála chéanna, ag a bhfuil na hairí teicniúla agus fisiceacha céanna, agus nach féidir iad a idirdhealú ó chéile nuair a ionchorpraítear sa táirge críochnaithe iad;
- (i) ciallaíonn ‘earraí’ ábhair agus táirgí araon;
- (j) ciallaíonn ‘duine dlítheanach’ aon eintiteas dlíthiúil atá comhdhéanta mar is cuí nó atá eagraithe ar bhealach eile faoin dlí is infheidhme, bíodh sin ar mhaithe le brabús nó eile, agus bíodh sé faoi úinéireacht phríobháideach nó faoi úinéireacht rialtais, lena n-áirítear aon chorparáid, iontaobhas, comhpháirtíocht, comhfhiontar, dílseánacht aonair nó comhlachas;
- (k) ciallaíonn ‘monarú’ aon chineál oibríthe nó próiseála lena n-áirítear cóimeáil;
- (l) ciallaíonn ‘ábhar’ aon chomhábhar, aon amhábhar, aon chomhpháirt nó aon pháirt etc., a úsáidtear chun an táirge a mhonarú;
- (m) ciallaíonn ‘duine’ duine nádúrtha nó duine dlítheanach;

- (n) ciallaíonn ‘táirge’ an táirge atáthar a mhonarú, fiú má tá sé ceaptha lena úsáid ina dhiaidh sin in oibríocht mhonaraíochta eile;
- (o) ciallaíonn ‘luach na n-ábhar’ an luach custaim tráth allmhairithe na n-ábhar neamhthionscnaimh a úsáideadh, nó, murab eol sin agus nach féidir é a shuí, ciallaíonn sé an chéad phraghas infhíoraithe a íocadh as na hábhair san Aontas nó i Singeapór’.

(3) cuirtear an méid seo a leanas in ionad Airteagal 13(3):

‘3. Gan dochar do Roinn 5, féadfar coinsíneachtaí a roinnt i gcás ina ndéanann an coinsíneoir an roinnt nó i gcás ina ndéantar sin faoina fhreagracht, ar choinníoll go bhfanfaidh siad faoi mhaoirseacht chustaim sa tír nó sna tíortha idirthurais.’;

(4) cuirtear an méid seo a leanas in ionad phointí (a) agus (b) d’Airteagal 14(1):

- ‘(a) gur choinsínigh coinsíneoir na táirgí sin ó Pháirtí chuig an tír ina raibh an taispeántas ar siúl agus gur thaispeáin sé ann iad;
- (b) go ndearna an coinsíneoir sin na táirgí a dhíol nó a dhiúscairt ar dhóigh eile le duine i bPáirtí;’;

(5) cuirtear an méid seo a leanas in ionad Airteagal 17:

‘AIRTEAGAL 17

Coinníollacha le haghaidh an Ráitis Maidir Le Tionscnamh a Tharraingt Suas

1. An ráiteas maidir le tionscnamh dá dtagraítear in Airteagal 16 (Ceanglais Ghinearálta), féadfaidh an t-onnmhaireoir é a tharraingt suas.
2. Féadfar ráiteas maidir le tionscnamh a tharraingt suas más féidir na táirgí atá i gceist a mheas mar tháirgí de thionscnamh an Aontais nó de thionscnamh Shingeapór agus go gcomhlíonann siad ceanglais eile an Phrótacail seo.
3. Maidir leis an onnmhaireoir a dhéanfaidh ráiteas maidir le tionscnamh a tharraingt suas, cuirfidh sé isteach tráth ar bith, ar iarraidh ó údaráis chustaim an Pháirtí onnmhairithe, gach doiciméad iomchuí dá dtagraítear faoin Airteagal 23 (Doiciméid Tacaíochta), doiciméid a chruthaíonn stádas tionscnaimh na dtáirgí lena mbaineann agus a chruthaíonn gur comhlíonadh ceanglais eile an Phrótacail seo.

4. Is é an t-onnmhaireoir a tharraingeoidh an ráiteas maidir le tionscnamh suas tríd an dearbhú, a bhfuil a théacs in Iarscríbhinn E a ghabhann leis an bPrótacal seo, a chlósscríobh, a stampáil nó a phriontáil ar an sonrasc, ar an nóta seachadta nó ar aon doiciméad tráchtála eile, i gcomhréir le dlí náisiúnta an Pháirtí onnmhairithe. Más de láimh a scríobhtar an ráiteas, is le dúch agus sa chás uachtair a dhéanfar sin. I gcás onnmhairí ó Shingepór, leagfar amach an ráiteas maidir le tionscnamh ag úsáid an leagain Bhéarla agus i gcás onnmhairí ón Aontas, féadfar an ráiteas maidir le tionscnamh a leagan amach i gceann de na leaganacha teanga in Iarscríbhinn E a ghabhann leis an bPrótacal seo.
5. De mhaolú ar mhír 1, féadfar ráiteas maidir le tionscnamh a tharraingt suas tar éis an onnmhairithe ('ráiteas cúlghabhálach') ar choinníoll go dtíolactar é sa Pháirtí allmhairithe tráth nach déanaí ná 2 bhliain, i gcás an Aontais, agus bliain amháin, i gcás Shingepór, tar éis theacht isteach na n-earraí sa chríoch.';

(6) sa Chlár, agus in Airteagal 3(6), Airteagal 3(13), Airteagal 11(5), Airteagal 14(2), Airteagal 15(1), Airteagal 15(3), teideal Roinn 5, Airteagal 16(1), Airteagal 16(2), teideal Airteagal 19, Airteagal 19(1), Airteagal 19(2), Airteagal 19(3), teideal Airteagal 20, Airteagal 20, Airteagal 21, teideal Airteagal 22, Airteagal 22(1), Airteagal 23, teideal Airteagal 24, Airteagal 24(1), Airteagal 24(2), Airteagal 25(1), Airteagal 25(2), Airteagal 27(1), Airteagal 27(2), teideal Airteagal 28, Airteagal 28(1), Airteagal 28(2), Airteagal 30(1), Airteagal 33(3), agus Airteagal 35, cuirtear an téarma ‘ráiteas maidir le tionscnamh’ in ionad ‘dearbhú tionscnaimh’;

(7) scriostar Airteagal 18;

(8) Cuirtear an méid seo a leanas in ionad Airteagal 26:

‘AIRTEAGAL 26

Méideanna arna Sloinneadh in Euro

1. Chun forálacha mhír 3 d’Airteagal 22 (Díolúintí ón Ráiteas Maidir Le Tionscnamh) i gcás ina sonrasctar táirgí in airgeadra nach euro é, socróidh gach tír lena mbaineann, ar bhonn bliantúil, méideanna in airgeadraí náisiúnta Bhallstáit an Aontais a bheidh coibhéseach leis na méideanna arna sloinneadh in euro.

2. Beidh forálacha mhír 3 d'Airteagal 22 (Díolúintí ón Ráiteas maidir le Tionscnamh) ina sochar ag coinsíneacht trí thagairt don airgeadra inar tarraingíodh suas an sonrasc, de réir an méid a shocraigh an Páirtí lena mbaineann.
3. Beidh na méideanna atá le húsáid in aon airgeadra náisiúnta áirithe coibhéiseach san airgeadra sin leis na méideanna arna sloinneadh in euro an chéad lá oibre de mhí Dheireadh Fómhair. Cuirfear na méideanna in iúl don Choimisiún Eorpach faoin 15 Deireadh Fómhair agus beidh feidhm acu ón 1 Eanáir sa bhliain ina dhiaidh sin. Is é an Coimisiún Eorpach a thabharfaidh fógra faoi na méideanna ábhartha do na tíortha uile lena mbaineann.
4. An méid a thagann mar thoradh ar chomhshóid an mhéid arna shloinneadh in euro isteach in airgeadra náisiúnta Ballstáit den Aontas Eorpach, féadfaidh an Ballstát é a shlánú suas nó síos. Ní fhéadfar difear níos mó ná cúig faoin gcéad a bheith idir an méid arna chomhshó agus an méid arna shlánú. Féadfaidh Ballstát den Aontas Eorpach an choibhéis ina airgeadra náisiúnta de mhéid arna shloinneadh in euro a fhágáil gan athrú más rud é, tráth an choigeartaithe bhliantúil dá bhforáiltear i mír 3, go bhfágann comhshó an mhéid sin, sula ndéantar aon slánú, go dtagann méadú níos lú ná cúig déag faoin gcéad ar an gcoibhéis san airgeadra náisiúnta. Féadfar gan an choibhéis san airgeadra náisiúnta a choinneáil gan athrú más rud é go dtiocfadh laghdú ar an luach coibhéiseach sin de thoradh a comhshóite.

5. Déanfaidh na Páirtithe na méideanna arna sloinneadh in euro a athbhreithniú sa Choiste um Chustam arna bhunú de bhun Airteagal 16.2 (Coistí Speisialaithe) arna iarraidh sin don Aontas nó do Shingearpór. Agus an t-athbhreithniú sin á dhéanamh, breithneoidh na Páirtithe a inmhianaithe atá sé éifeachtaí na dteorainneacha atá i gceist a choimeád i dtéarmaí réadacha. Chun na gcríoch sin, féadfaidh na Páirtithe, trí chinneadh sa Choiste um Chustam, na méideanna arna sloinneadh in euro a mhodhnú.’;

- (9) leasaítear Iarscríbhinn B mar a leagtar amach in Iarscríbhinn 1 a ghabhann leis an gCinneadh seo;
- (10) leasaítear Iarscríbhinn B(a) mar a leagtar amach in Iarscríbhinn 2 a ghabhann leis an gCinneadh seo.
- (11) leasaítear Iarscríbhinn D mar a leagtar amach in Iarscríbhinn 3 a ghabhann leis an gCinneadh seo;
- (12) leasaítear Iarscríbhinn E mar a leagtar amach in Iarscríbhinn 4 a ghabhann leis an gCinneadh seo.

Airteagal 2
Teacht i bhfeidhm

Tiocfaidh an Cinneadh seo i bhfeidhm an [1 Eanáir 2023].

Arna dhéanamh i/in/sa ...,

Thar ceann Choiste um Chustam AE-Singeapór

Thar ceann an Aontais Eorpaigh

Thar ceann Phoblacht Shingeapór

IARSCRÍBHINN 1

Leasaítear Iarscríbhinn B a ghabhann le Prótacal 1 mar a leanas:

- (1) sa ró a bhaineann le Ceannteideal CC ‘0305’, cuirtear an méid seo a leanas in ionad an téacs sa cholún ‘tuairisc ar an táirge’:

‘Iasc, triomaithe, saillte nó faoi sháile; iasc deataithe, bíodh sé cócaráilte roimh an bpróiseas deataithe nó lena linn;

- (2) sa ró a bhaineann le Ceannteideal CC ‘0306’, cuirtear an méid seo a leanas in ionad an téacs sa cholún ‘tuairisc ar an táirge’:

‘Crústaigh, bídís sa bhlaosc nó ná bídís, triomaithe, saillte nó faoi sháile; crústaigh dheataithe, bídís sa bhlaosc nó ná bídís, bídís cócaráilte roimh an bpróiseas deataithe nó lena linn nó ná bídís; crústaigh, sa bhlaosc, iad cócaráilte le gal nó beirithe in uisce, bídís fuaraithe, reoite, triomaithe, saillte nó faoi sháile nó ná bídís;

- (3) sa ró a bhaineann le Ceannteideal CC ‘0307’, cuirtear an méid seo a leanas in ionad an téacs sa cholún ‘tuairisc ar an táirge’:

‘Moilisc, bídís sa bhlaosc nó ná bídís, triomaithe, saillte nó faoi sháile; moilisc dheataithe, bídís sa bhlaosc nó ná bídís, bídís cócaráilte roimh an bpróiseas deataithe nó lena linn nó ná bídís’;

- (4) idir an ró a bhaineann le Ceannteideal CC ‘ex 0307’ agus an ró a bhaineann le Ceannteideal CC ‘Caibidil 4’, cuirtear na rónna seo a leanas isteach:

ex 0308	Inveirteabraigh uisceacha nach crústaigh ná moilisc iad, triomaithe, saillte nó faoi sháile; inveirteabraigh uisceacha deataithe, nach crústaigh ná moilisc iad, bídis cócaráilte roimh an bpróiseas deataithe nó lena linn	Monarú ina bhfuil na hábhair uile atá faoi Chaibidil 3, agus a úsáidtear ann, faighte go hiomlán
0309	Plúir, min agus millíní ó éisc, ó chrústaigh, ó mhoilisc agus ó inveirteabraigh uisceacha eile, atá oiriúnach lena gcaitheamh ag an duine	Monarú ina bhfuil na hábhair uile atá faoi Chaibidil 3, agus a úsáidtear ann, faighte go hiomlán

’;

- (5) sa ró a bhaineann le Ceannteideal CC ‘ex Caibidil 15’, cuirtear an méid seo a leanas in ionad an téacs sa cholún ‘tuairisc ar an táirge’:

‘Sailte agus olaí ainmhíocha, plandúla nó miocróbacha agus a dtáirgí scoilte; saillte inite ullmhaithe; céaracha ainmhíocha nó plandúla; cé is moite den mhéid seo a leanas.’;

- (6) sa ró a bhaineann le Ceannteideal CC ‘1510 agus 1509’, cuirtear an méid seo a leanas in ionad an téacs sa cholún ‘tuairisc ar an táirge’:

‘Ola olóige agus a codáin, olaí eile agus a gcodáin a fhaightear ó ológa amháin’;

- (7) sa ró a bhaineann le Ceannteideal CC ‘1517 agus 1516’, cuirtear an méid seo a leanas in ionad an téacs sa cholún ‘tuairisc ar an táirge’:

‘Sailhte agus olaí ainmhíocha, plandúla nó miocróbacha, agus a gcodáin, iad hidriginithe, idireistearaithe, atheistearaithe nó eilídnithe, go páirteach nó go hiomlán, bídis scagtha nó ná bídis, ach gan ullmhú thairis sin orthu;

Margairín; meascáin nó ullmhóidí inite de shailhte nó d’olaí ainmhíocha, plandúla nó miocróbacha, nó de chodáin de shailhte nó d’olaí éagsúla atá faoin gCaibidil seo, seachas na sailhte nó na holaí inite nó a gcodáin atá faoi cheannteideal 15.16’;

- (8) sa ró a bhaineann le Ceannteideal CC ‘Caibidil 16’, cuirtear an méid seo a leanas in ionad an téacs sa cholún ‘Tuairisc ar an táirge’:

‘Ullmhóidí ó fheoil, ó éisc, ó chrústaigh, ó mhoilisc nó ó inveirteabraigh uisce eile, nó ó fheithidí’;

- (9) sa r6 a bhaineann le Ceannteideal CC ‘ex Caibidil 24’, cuirtear an m6id seo a leanas in ionad an t6acs sa chol6n ‘tuairisc ar an t6irge’:

‘Tobac agus ionadaigh tobac mhonaraithe; t6irg6, b6idh nicit6n iontu n6 n6 b6idh, at6 ceaptha lena n-ionan6l6 gan d6ch6n; t6irg6 eile a bhfuil nicit6n iontu at6 beartaithe chun nicit6n a iont6g6il i gcorp an duine; c6 is moite den mh6id seo a leanas;’;

- (10) idir an r6 a bhaineann le Ceannteideal CC ‘ex 2402’ agus an r6 a bhaineann le Ceannteideal CC ‘ex Caibidil 25’, cuirtear na r6anna seo a leanas isteach:

2404 12	Táirgí atá ceaptha lena n-ionanálú gan dóchán, nach bhfuil tobac ná tobac athdhéanta iontu, agus a bhfuil nicitín iontu	Monarú as ábhair atá faoi aon cheannteideal nach é ceannteideal an táirge é. Mar sin féin, féadfar ábhair atá faoi aon cheannteideal leis an táirge a úsáid, ar choinníoll nach mó a luach iomlán ná 20 % de phraghas an táirge díreach ón monarcha nó Monarú nach bhfuil luach na n-ábhar uile a úsáideadh ann níos mó ná 40 % de phraghas an táirge díreach ón monarcha
ex 2404 19	Cartúis agus athlíonta, iad líonta le haghaidh toitíní leictreonacha	Monarú as ábhair atá faoi aon cheannteideal nach é ceannteideal an táirge é. Mar sin féin, féadfar ábhair atá faoi aon cheannteideal leis an táirge a úsáid, ar choinníoll nach mó a luach iomlán ná 20 % de phraghas an táirge díreach ón monarcha nó Monarú nach bhfuil luach na n-ábhar uile a úsáideadh ann níos mó ná 40 % de phraghas an táirge díreach ón monarcha

2404 91	Táirgí eile seachas táirgí atá ceaptha lena n-ionanálú gan dóchán, lena n-úsáid de bhéal	<p>Monarú as ábhair atá faoi aon cheannteideal nach é ceannteideal an táirge é, monarú:</p> <p>— nach mó meáchan aonair an tsiúcra agus na n-ábhar atá faoi Chaibidil 4 a úsáideadh ann ná 20 % de mheáchan an táirge deiridh agus</p> <p>— nach mó ná 40 % de mheáchan an táirge deiridh meáchan comhcheangailte iomlán an tsiúcra agus na n-ábhar faoi Chaibidil 4 a úsáideadh</p>
2404 92, 2404 99	Táirgí eile seachas táirgí atá ceaptha lena n-ionanálú gan dóchán, lena n-úsáid go trasdeirmeach ar bhealach eile seach úsáid de bhéal	<p>Monarú as ábhair atá faoi aon cheannteideal nach é ceannteideal an táirge é. Mar sin féin, féadfar ábhair atá faoi aon cheannteideal leis an táirge a úsáid, ar choinníoll nach mó a luach iomlán ná 20 % de phraghas an táirge díreach ón monarcha nó</p> <p>Monarú nach bhfuil luach na n-ábhar uile a úsáideadh ann níos mó ná 40 % de phraghas an táirge díreach ón monarcha</p>

2.

- (11) idir an r6 a bhaineann le Ceannteideal CC ‘ex Caibidil 38’ agus an r6 a bhaineann le Ceannteideal CC ‘3823’, cuirtear r6anna seo a leanas isteach:

ex 3816	Meascán pulctha dolaimíte	Monarú as ábhair atá faoi aon cheannteideal nach é ceannteideal an táirge é nó Monarú nach bhfuil luach na n-ábhar uile a úsáideadh ann níos mó ná 40 % de phraghas an táirge díreach ón monarcha
ex 3822	Fearais tástála diagnóisí Maláire Táirgí imdhíoneolaíoch, nach bhfuil measctha, ná cóirithe ina ndáileoga tomhaiste ná i bhfoirmeacha nó i bpacáistí lena miondíol Táirgí imdhíoneolaíoch, iad measctha, nach bhfuil cóirithe ina ndáileoga tomhaiste ná i bhfoirmeacha ná i bpacáistí lena miondíol Táirgí imdhíoneolaíoch, iad cóirithe ina ndáileoga tomhaiste nó i bhfoirmeacha nó i bpacáistí lena miondíol Imoibreáin grúpála fola	Monarú as ábhair atá faoi aon cheannteideal

’
,

(12) sa chéad ró a bhaineann le Ceannteideal CC ‘6306’, cuirtear an méid seo a leanas in ionad an téacs sa cholún ‘tuairisc ar an táirge’:

‘Tarpóil, scáthbhrait agus dallóga gréine; pubaill (lena n-áirítear an téastair shealadacha agus earraí comhchosúla); seolta le haghaidh bád, clár seoil nó árthaí talún; earraí campála’;

(13) sa ró a bhaineann le Ceannteideal CC ‘8522’, cuirtear an méid seo a leanas in ionad an téacs sa cholún ‘tuairisc ar an táirge’:

‘Páirteanna agus gabhálais atá oiriúnach lena n-úsáid leis na gairis faoi cheannteidil 8519 nó 8521 amháin nó leis na gairis sin go príomha’;

(14) sa ró a bhaineann le Ceannteideal CC ‘8529’, cuirtear an méid seo a leanas in ionad an téacs sa cholún ‘tuairisc ar an táirge’:

‘Páirteanna atá oiriúnach lena n-úsáid leis an ngaireas atá faoi cheannteidil 8524 go 8528 amháin nó leis na gairis sin go príomha’;

(15) sa ró a bhaineann le Ceannteideal CC ‘8548’, cuirtear an méid seo a leanas in ionad an téacs sa cholún ‘tuairisc ar an táirge’:

‘Páirteanna leictreacha d’innealra nó de ghairis, nach sonraítear ná nach n-áirítear in áit eile sa Caibidil seo’;

- (16) idir an r6 a bhaineann le Ceannteideal CC ‘8548’ agus an r6 a bhaineann le Ceannteideal CC ‘ex Caibidil 86’, cuirtear an r6 seo a leanas isteach:

8549	Fu6oll agus dramhail leictreach agus leictreonach.	Monar6 as 6bhair at6 faoi aon cheannteideal nach 6 ceannteideal an t6irge 6 n6 Monar6 nach bhfuil luach na n-6bhar uile a 6s6ideadh ann n6s m6 n6 50 % de phraghas an t6irge d6reach 6n monarcha
------	--	---

’;

- (17) sa r6 a bhaineann le Ceannteideal CC ‘ex Caibidil 86’, cuirtear an m6id seo a leanas in ionad an t6acs sa chol6n ‘Ceannteideal CC’ agus an t6acs sa chol6n ‘tuairisc ar an t6irge’ faoi seach:

‘Caibidil 86’ agus ‘Innill iarnr6id n6 trambhealaigh, rothstoc agus p6irteanna d6ibh; daingne6in riain iarnr6id n6 trambhealaigh agus feistis agus p6irteanna d6ibh; trealamh comhartha6ochta tr6achta meicni6uil de gach cine6al (lena n-6ir6tear leictrimheicni6uil)’;

- (18) idir an r6 a bhaineann le Ceannteideal CC ‘ex 8804’ agus an r6 a bhaineann le Ceannteideal CC ‘Caibidil 89’, cuirtear an r6 seo a leanas isteach:

ex 8806	Aerárthaí gan foireann Ceamaraí teilifíse, ceamaraí digiteacha agus taifeadáin físcheamara	Monarú as ábhair atá faoi aon cheannteideal seachas iad sin atá faoi cheannteideal an táirge agus faoi cheannteideal 8529 nó Monarú nach bhfuil luach na n-ábhar uile a úsáideadh ann níos mó ná 50 % de phraghas an táirge díreach ón monarcha
---------	--	---

’;

- (19) sa r6 a bhaineann le Ceannteideal CC ‘9013’, cuirtear an méid seo a leanas in ionad an téacs sa cholún ‘tuairisc ar an táirge’:

‘Léasair, seachas dé-oidí léasair; fearais agus uirlisí optúla eile, nach sonraítear ná nach n-áirítear in áit eile sa Caibidil seo’;

(20) idir an r6 a bhaineann le Ceannteideal CC ‘9016’ agus an r6 a bhaineann le Ceannteideal CC ‘9025’, cuirtear an r6 seo a leanas isteach:

ex 9021	<p>Ábhair le haghaidh fearas ortaipéidice nó bristeacha agus le haghaidh feistiú fiaclóireachta:</p> <ul style="list-style-type: none"> – Tairní, greamanna, bioráin ordóige, tairní rocacha, stáplaí (seachas na stáplaí atá faoi cheannteideal 8305) agus earraí comhchosúla eile, as iarann nó as cruach, bíodh cnogaí ó ábhar eile orthu nó ná bíodh, gan earraí a bhfuil cnogaí copair orthu a áireamh – Earraí snáithithe agus earraí neamhshnáithithe déanta as iarann nó cruach, seachas scriúanna cóiste, scriúanna adhmaid, scriúchrúcaí agus scriúfháinní, leicneáin sprionga agus leicneáin glasála eile, seamanna 	<p>Monarú as ábhair atá faoi aon cheannteideal nach é ceannteideal an táirge é</p> <p>nó</p> <p>Monarú nach bhfuil luach na n-ábhar uile a úsáideadh ann níos mó ná 50 % de phraghas an táirge díreach ón monarcha</p>
	<ul style="list-style-type: none"> – Tíotániam agus earraí tíotániam, lena n-áirítear fuíoll agus dramhaíl 	<p>Monarú as ábhair atá faoi aon cheannteideal</p>

’;

(21) sa ró a bhaineann le Ceannteideal CC ‘Caibidil 94’, cuirtear an méid seo a leanas in ionad an téacs sa cholún ‘tuairisc ar an táirge’:

‘Troscán; cóir leapa, tochtanna, tacaí tochta, cúisíní agus feistis líonta dá samhail; lampaí agus feistis soilse, nach bhfuil sonraithe ná áirithe in áit eile; comharthaí soilsite agus ainmchláir shoilsite agus a leithéidí; foirgnimh réamhdhéanta’.

IARSCRÍBHINN 2

Leasaítear Iarscríbhinn B(a) a ghabhann le Prótacal 1 mar a leanas:

- (1) scriostar mír 3 de na forálacha coiteanna;
- (2) athuimhrítear mír 4 de na forálacha coiteanna mar mhír 3;
- (3) athuimhrítear mír 5 de na forálacha coiteanna mar mhír 4;
- (4) sa ró a bhaineann le Ceannteideal CC

‘ex 1602 32

ex 1602 41

ex 1602 49

ex 1602 50’,

in ionad an téacs ‘Feoil lóin stánaithe muiceola, sicín agus mairteola (午餐肉)’ sa cholún ‘tuairisc ar an táirge’, cuirtear an méid seo a leanas:

‘Muiceoil nó builín muiceola lóin stánaithe (ina bhfuil níos mó ná 20 % de réir meáchain de mhuceoil nó de scairteach feola, circeoil nó builín circeola lóin stánaithe (ina bhfuil níos mó ná 20 % de réir meáchain de chirceoil nó de scairteach feola), mairteoil nó builín mairteola lóin stánaithe (ina bhfuil níos mó ná 20 % de réir meáchain de mhairteoil nó de scairteach feola)’;

- (5) sa ró a bhaineann le Ceannteideal CC ‘ex 1604 20’, in ionad an téacs ‘Millíní éisc curaí déanta as feoil éisc, curaí, stáirse cruithneachta, salann, siúcra agus tarsainn chumaisc’ sa cholún ‘tuairisc ar an táirge’, cuirtear an méid seo a leanas:

‘millíní éisc agus cácaí éisc atá déanta as feoil éisc seachas tuinnín, ronnach, stáirse, salann, siúcra ná tarsainn chumaisc’;

- (6) cuirtear an méid seo a leanas ina ionad

‘ex 1605 10

ex 1605 90

ex 1605 20

ex 1605 20

ex 1605 20

ex 1605 30'

an ró a bhaineann le Ceannteideal CC:

ex 1605 10	Millíní portáin déanta as stáirse cruithneachta, salann, siúcra, tarsainn chumaisc, feoil portán agus líonadh	Monarú as ábhair atá faoi aon cheannteideal nach é ceannteideal an táirge é
ex 1605 54	Millíní cudail atá déanta as feoil éisc, líonadh cudail, stáirse, salann, siúcra agus tarsainn chumaisc	
ex 1605 21	Hargow déanta as cloicheáin, stáirse cruithneachta, taipióca, uisce, scailliún, sinséar, siúcra, agus salann	
ex 1605 29	Shaomai déanta as cloicheán go príomha, sicín, stáirse arbhar, ola glasraí, piobar dubh, ola seasamain, agus uisce	
ex 1902 20	Wonton cloicheán friochta déanta as cloicheáin, salann, ola, siúcra, sinséar, piobar, ubh, fínéagar, agus anlann soighe.	
ex 1605 54	Millíní blaistithe gliomaigh: feoil cudail, feoil éisc agus feoil portáin.	

?

IARSCRÍBHINN 3

Leasaítear Iarscríbhinn D a ghabhann le Prótacal 1 mar a leanas:

- (1) sa ró a bhaineann le Cód CC ‘2909’, cuirtear an méid seo a leanas in ionad an téacs sa cholún ‘tuairisc’:

‘Éitir, éitearalcóil, éitear-fheanóil, éitearalcól-fheanóil, sárocsaídí alcóil, sárocsaídí éitir, sárocsaídí aicéatail agus sárocsaídí leathaicéatail, sárocsaídí céatóin (bídís sainithe ó thaobh ceimice nó ná bídís), agus a gcuid díorthach halaiginithe, sulfónaithe, níotráitithe nó níotrósaithe’;

- (2) sa ró a bhaineann le Cód CC ‘9013’, cuirtear an méid seo a leanas in ionad an téacs sa cholún ‘tuairisc’:

‘Léasair, seachas dé-oidí léasair; fearais agus uirlisí optúla eile, nach sonraítear ná nach n-áirítear in áit eile sa Caibidil seo’.

IARSCRÍBHINN 4

Leasaítear Iarscríbhinn E a ghabhann le Prótacal 1 mar a leanas:

(1) i dteideal Iarscríbhinn E, cuirtear an téarma ‘ráiteas maidir le tionscnamh’ in ionad an téarma ‘dearbhu tionscnaimh’;

(2) cuirtear an méid seo a leanas in ionad na chéad mhíre d’Iarscríbhinn E:

‘Ní mór an ráiteas maidir le tionscnamh, a bhfuil a théacs thíos, a tharraingt suas i gcomhréir leis na fonótaí. Mar sin féin, ní gá na fonótaí a atáirgeadh.’;

(3) cuirtear an méid seo a leanas in ionad fhonóta 1:

‘Tabhair an uimhir thagartha lena saináithnítear an t-onnmhaireoir. I gcás onnmhaireoir de chuid an Aontais, is éard a bheidh ann an uimhir a shanntar i gcomhréir le dlíthe agus rialacháin an Aontais. I gcás Shingeapór de chuid an Aontais, is éard a bheidh ann an uimhir a shanntar i gcomhréir le dlíthe agus rialacháin Shingeapór. I gcás nár sannadh uimhir don onnmhaireoir, féadfar an réimse sin a fhágáil bán’;

(4) cuirtear an méid seo a leanas in ionad na habairte deiridh roimh na fonótaí:

‘(Ainm an onnmhaireora)’;

(5) scriostar fonóta (4).

DEARBHÚ COMHPHÁIRTEACH

MAIDIR LE BEARTA IDIRTHRÉIMHSEACHA TAR ÉIS DHÁTA THEACHT I bhFEIDHM AN CHINNIDH

De mhaolú ar Airteagal 17 (Coinníollacha le haghaidh an Ráitis Maidir Le Tionscnamh a Tharraingt Suas) de Phrótacal 1 a ghabhann leis an gComhaontú, a leasaítear leis an gCinneadh seo, leanfaidh Singeapór den chóireáil fhabhrach taraise a dheonú faoin gComhaontú seo d'earraí de thionscnamh an Aontais agus a onnmhairítear ón Aontas ar thíolacadh dearbhaithe tionscnaimh a tarraingíodh suas i gcomhréir le hAirteagal 17 (Coinníollacha maidir le Dearbhú Tionscnaimh a tharraingt suas) agus le hAirteagal 18 (Onnmhaireoir Ceadaithe) de Phrótacal 1 a ghabhann leis an gComhaontú atá i bhfeidhm roimh dháta theacht i bhfeidhm an Chinnidh seo. Beidh feidhm ag an mbeart idirthréimhseach sin ar feadh tréimhse 3 mhí dar tús dáta theacht i bhfeidhm an Chinnidh seo.